



Gradonačelnik

Broj: 07-4637/23

Datum: 17.01.2024.godine

Gradonačelnik na osnovu člana 70. stav (1), (3) Zakona o javnim nabavkama ("Službeni glasnik BiH", broj: 39/14 i 59/22), Budžeta Grada Srebrenik za 2023.godinu, („Službeni glasnik grada Srebrenik“, broj: 4/23), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po zapisniku broj: 07-4637/23 od 05.01.2024. godine za javnu nabavku održavanja javne ulične rasvjete u gradu Srebrenik za 2024. godinu, d o n i o j e:

O D L U K U O IZBORU PONUĐAČA

I

Prihvata se preporuka Komisije za javnu nabavku, po zapisniku broj: 07-4697/23 od 09.01.2024. godine te se Ugovor za **javnu nabavku izgradnje EE javne ulične rasvjete u Gradu Srebrenik** dodjeljuje ponuđaču „ELVIK“ d.o.o. Srebrenik u iznosu **109.425,00 KM (bez PDV-a)**, odnosno u iznosu od **128.027,25 KM (cijena sa uračunatim PDV-om)**, a u skladu sa ponudom broj: 03/24 od 04.01.2024. godine.

II

Ponuđač je dužan u roku od 7 dana od dana prijema ove odluke, dostaviti dokaze po članu 45. stav (2) Zakona o javnim nabavkama iz tačke 13. tenderske dokumentacije. Dokaze koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude

III

Ova odluka objavit će se na web-stranici www.srebrenik.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ź E N J E

Ponude po otvorenom postupku broj: 07-4637/23 od 12.12.2023. godine, objavljenom na Portalu javnih nabavki, Obavještenje o nabavci broj: 761-1-3-94-3-108/23 od 14.12.2023. godine i sažetak Obavještenja o nabavci, objavljen u „Službenom glasniku BiH“ broj: 86/23 od 22.12.2023. godine za javnu nabavku izgradnje EE javne ulične rasvjete u Gradu Srebrenik dostavili su ponuđači:

1. „SAŠA TRADE“ d.o.o. Doboj, broj ponude: 66-12/2023 od 28.12.2023. godine, u iznosu od 109.532,15 KM (bez PDV-a)
2. „ERING“ d.o.o. Živinice, broj ponude: 01/24 od 03.01.2024. godine, u iznosu od 109.590,00 KM (bez PDV-a)



3. „KOP I KO“ d.o.o. Živinice, broj ponude: 80-12/23 od 29.12.2023. godine, u iznosu od 109.575,00 KM (bez PDV-a)
4. „ELVIK“ d.o.o. Srebrenik, broj ponude: 03/24 od 04.01.2024. godine, u iznosu od 109.535,00 KM (bez PDV-a)

Komisija za javne nabavke je nakon pregledanja ponuda utvrdila sljedeće:

Ponuđač „KOP I KO“ d.o.o. Živinice, ne ispunjava uslov Tehničke i profesionalne sposobnosti iz tačke 12. Tenderske dokumentacije: „12.1. Što se tiče tehničke i profesionalne sposobnosti, u skladu sa članom 48. i 51. Zakona, ponuđači moraju imati zaposlenog ili na raspolaganju najmanje jednog dipl. inženjera elektro struke, sa položenim stručnim ispitom i najmanje 3 godine radnog iskustva u struci.“ U Izjavi o ispunjenosti uslova iz člana 51. Tačka c) (Tehnička i profesionalna sposobnost u postupku nabavke radova) na stranici 17. Ponude naveli su Nurkić Osmana, dipl inženjer elektrotehnike sa položenim stručnim ispitom i više od 5 (pet) godina radnog iskustva u struci. Međutim, uvidom u Listu osiguranih lica za obveznika, izdatu od strane Porezne uprave FBiH, KPU Tuzla, Porezna ispostava Živinice, broj: 13-3/8-12-45-20623 od 23.11.2023. godine, na stranici 18. Ponude, kao datum početka osiguranja za Nurkić Osmana naveden je 19.05.2021. godine, što implicira da Nurkić Osman ne posjeduje zahtjevane najmanje 3 godine radnog iskustva u struci. Nadalje, na stranici 19. Ponude, u Potvrdi o radnom iskustvu i stažu, ponuđač je naveo da: „*Imenovani zaposlenik ima više od 5 (pet) godina radnog iskustva u struci nakon sticanja visoke stručne spreme i položen stručni ispit, a sastoji se od sledećeg: 1. Od 01.09.2016. godine do 18.05.2021. godine zasnovao je radni staž u firmi prednika „KOPKOMERC“ d.o.o. Živinice. 2. Od 19.05.2021. zasnovao je radni staž u firmi sljednika „KOP I KO“ d.o.o. Živinice i isti teče i dalje.*“ Međutim, za naprijed navedeni staž u firmi prednika „KOPKOMERC“ d.o.o. Živinice, ponuđač nije dostavio nikakav relevantan dokaz, kao što je dostavio Listu osiguranih lica za obveznika na stranici 18. ponude, iz koje je vidljiv njegov radni staž u firmi prednika „KOPKOMERC“ d.o.o. Živinice, u periodu od 01.09.2016. godine do 18.05.2021. godine. Zbog spomenutog nedostatka, Komisija je ponudu ponuđača „KOP I KO“ d.o.o. Živinice, ocijenila kao **neprihvatljivu**, jer ne ispunjava kriterij za kvalifikaciju privrednog subjekta i kao takvu **odbacila iz dalje procedure**, a u vezi sa članom 2. stav (1), tačka 1), alineja 2) Zakona o javnim nabavkama.

Komisija je ustanovila da su ponude ponuđača „SAŠA TRADE“ d.o.o. Doboj, „ERING“ d.o.o. Živinice i „ELVIK“ d.o.o. Srebrenik u potpunosti kvalifikovane i u skladu sa zahtjevima iz tenderske dokumentacije te da su njihove ponude prihvatljive, pravilne i potpune.

Računskom provjerom nisu uočene računске greške.

Kako je predviđena e – aukcija, Komisija je istu zakazala za dan 15.01.2024. godine u 10:00h.

Nakon završene e-aukcije, a na osnovu Izvještaja o toku i završetku e-aukcije od 15.01.2024. godine, Komisija je konstatovala da je za javnu nabavku izgradnje EE javne ulične rasvjete u Gradu Srebrenik prvorangirana ponuda ponuđača „ELVIK“ d.o.o. Srebrenik u iznosu od



109.425,00 KM (bez PDV-a), odnosno u iznosu od 128.027,25 KM (cijena sa uračunatim PDV-om) ocijenjena kao prihvatljiva i predložila je Gradonačelniku prihvatanje iste ponude, a shodno članu 70. Zakona i donošenje Odluke o izboru ponuđača „ELVIK“ d.o.o. Srebrenik za javnu nabavku izgradnje EE javne ulične rasvjete u Gradu Srebrenik.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku donošenja ove Odluke posebno su cijenjenje činjenica da je Komisija pravilno i potpuno izvršila ocjenu kvalifikovanosti ponuđača i ocjenu prispele ponude izvršila u skladu sa tenderskom dokumentacijom, Zakonom o javnim nabavkama i podzakonskim aktima.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19) odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 4x,
2. Evidenciji,
3. Arhivi,


GRADONAČELNIK

Adnan Bjelić

